

Hashi pillugu nuna tamakkerlugu iliuusissatut pilersaarutip Naalakkersuisut UKA 2016-imi saqqummiusseqquneqarnissaannut Inatsisartut aalajangiiffigisassaattut siunnersuut.

(Inatsisartunut ilaasortaq Mimi Karlsen, Inuit Ataqatigiit)

Akissuteqaat

(Peqqissutsimut Naalakkersuisoq, Doris Jakobsen)

Siullermeerinnineq

Inatsisartuni ilaasortap Mimi Karlsenip siunnersuutaanut qujavunga.

Naalakkersuisut siunnersuuteqartoq isumaqatigaat hashi nunatsinni ajornartorsiutaasoq. Hashimik pujortarneq ajoraluartumik Kalaallit Nunaanni atugaasorujussuuvog, imigassamik aalakoornartortalimmik atornerluisuunermik ilaqartarluni. Hashimik atornerluisuuneq imigassamik aalakoornartortalimmik atornerluisuunermik ilaqarluni Nunatsinni innuttaasut peqqissusaannut ajornartorsiutaanerpaavoq. Atornerluinerup kinguneri sorpassuupput ataasiakkaat peqqissusaannut eqquiinnarani aammali avatangiisinut annertuumik eqquivoq tassunga ilaallutik meeqqanut ilaqutariinnullu sunniutit. Hashimik imigassamillu aalakoornartortalimmik atornerluineq inuuniarnikkut tarnikkullu ajornartorsiutinut attuumassuteqarluinnarpoq.

Inooriaatsimit kingornutat atornerluisuunermut annertuumik attuumassuteqarnerannut atornerluisunik katsorsaasarnemit misilittakkat annertuumik tungavissaqartitsipput. Atornerluisutut katsorsartissimasut angerlarsimaffimmi atornerluiffiusumi peroriartorsimasuupput. Innuttaasunik misissuinerup nutaap ersersippaa peqataasut affaat sinnilaarlugit hashimik pujortarneq misilisimagaat Taamaattumik pinaveersaartitsinissamik aammalu atornerluinerumik katsorsaansamik innuttaasut annertuumik akisussaaffeqarput.

Naalakkersuisut hashi pillugu ajornartorsiut imaannaanngitsutut isigaa. Inuuneritta II-mi hashimik atornerluineq pinaveersaartinniarnera isiginiarneqarpoq. Suliniutini ingerlareersuni taaneqarsinnaavoq "Siusinaartumik Iliuseqarneq meeqqanik sumiginnaaneq pinaveersaartinniarlugu sulineq", tassunga ilaavoq angajoqqaat meerartaartussat akornanni meeqqap naartuuneranit marlunnik ukioqalernissaa tikillugu atornerluisuunerup suliniutigineqarnera. Suliniut alla ingerlasoq tassaavoq Ilaqutariinnut inissiaq, tassunga ilaqutariit atornerluisuusut atornerluinerminnik katsorsarneqarnissamut neqerooruteqarfiusumut nuummi inissineqartarput. Ilaqutariinnut inissiamiinnermut peqatigitillugu isumaginninnikkut annertuumik tapersersuisoqartarpoq aammalu ilaqutariinni pisariaqartitat sularineqartarlutik. Isigineqarpoq ilaqutariit ataasiusutut minnerunngitsumik meeqqat tapersersorneqarnissaat pingaartinneqarpoq angajoqqaat meeqqallu ataatsimut sullinneranni.

Taamatuttaaq hashimik atornerluinerup iliuuseqarfiginissaanut Naalakkersuisoqarfik pilersaarummik sularinnippoq. Suleqatitut illuatungerisat attuumassutillit suleqatigalugit iliuusissatut pilersaarut sularineqarpoq hashimik atornerluineq pinaveersaarniarlugu. Suliniutit ilagaat hashi pillugu isummat sunneriarnissaat oqariartuutigalugu hashimik atuneq pissusissamisoortuunngitsog. Suliniutip ilagaa suliffeqarfinni, atuarfinni perorsaavinni sunngiffimmilu sammisaqartitsivinni peqatigiiffinilu atortussanik ineriartortitsineq. Hashi pillugu suliassamut pilersaarusiaq Kalaallit Nunaanni imigassaq

aalakoornartoq pillugu suliasamat pilersaarusiavit 2013-2019-imi ingerlasumut tapersiissutaassaaq
aamma Inuuneritta II-mi aallaaveqartumut

Taamaattumik suliniutit ingerlareersut aallaavigalugit siunnersuutip itigartitissutigineqarnissaa
Naalakkersuisut inassutigaat.